



Na osnovu člana 35, stav 1, tačka 4. statuta Udruženja Rukometnih Sudija od dana 13.05.2003 broj 904-05-2-841 Udruženje Rukometni Sudija (u daljem tekstu URS) , na online sjednici održanoj dana 18.02.2021. godine , godine **donosi**:

DISCIPLINSKI PRAVILNIK UDRUŽENJA RUKOMETNIH SUDIJA, SARAJEVO

I. OSNOVNE ODREDBE

Član 1.

Disciplinskim pravilnikom Udruženja rukometnih sudija, Sarajevo (u daljem tekstu URS) propisuju se prekršaji aktivnih i pasivnih članova udruženja. Pravilnikom se određuje odgovornost izvršioca prekršaja, tok disciplinskog postupka i tijela za provedbu disciplinskog postupka i izricanje disciplinske kazne.

Član 2.

Disciplinski prekršaji (u daljem tekstu: prekršaji) su povrede pravila ponašanja, te provođenje ili neprovođenje obaveznih radnji za koje se propisuju disciplinske kazne. Članu se ne može izreći disciplinska kazna (u daljem tekstu: kazna) za prekršaj koji ovim Pravilnikom i Etičkim kodeksom nije određen kao prekršaj.

Član 3.

Svrha propisivanja prekršaja i kazni je spriječavanje prekršaja i obrazovni uticaj na sve pripadnike – članove.

Član 4.

Odredbe ovog Pravilnika obavezno se primjenjuju na izvršitelje prekršaja koji su učinjeni u Bosni i Hercegovini i u inostranstvu. Kazne izriče Disciplinska komisija Udruženja i primjenjuju se sa datumom usvajanja na prvoj sjednici Upravnog odbora Udruženja.

Član 5.

Odgovornost članova predviđena ovim Poslovníkom prestaje njegovim isključenjem iz Udruženja.



Član 6.

Prekršaj može biti učinjen svjesno ili nesvjesno.

Prekršaj je učinjen ako je član propustio svjesno ili nesvjesno obaveznu radnju činjenja, odnosno nečinjenja.

Prekršaj u smislu ovog Pravilnika nije prekršaj učinjen u samoodbrani ili nužnoj odbrani.

Svaki se pokušaj prekršaja kažnjava kao i sam prekršaj, ako je tako određeno ovim Pravilnikom.

Pomagač je jedanko odgovoran ako i izvršitelj kao i osobe koje su podstakle na pokušaj i/ili izvršenje.

II. KAZNE

Član 7.

Članu pripadniku URS-a (u daljem tekstu; član) koji je učinio ili pokušao učiniti jedan ili više prekršaja predviđenih ovim pravilnikom mogu se izreći kazne:

- Opomena,
- Vremenska kazna zabrane obavljanja službene dužnosti u rukometu kako u BiH tako i u inostranstvu
- Doživotna zabrana obavljanja službenih radnji i dužnosti u rukometu sa trajnim isključenjem iz Udruženja

Član 8.

Opomena se izriče za posebno lakše prekršaje.

Opomena se ne može izreći članu koji je izdržao neku kaznu, a od datuma izdržane kazne nije proteklo najmanje 12 mjeseci

Član 9.

Vremenska kazna zabrane obavljanja službenih dužnosti ne može biti kraća od 2 mjeseca niti duža od 24 mjeseca

Kazna iz stava 1. ovog člana izriče se samo na pune mjesece.

Ako se kazna iz stava 1. ovog člana izriče članu koji već izdržava kaznu izreći će mu se jedinstvena kazna od najviše 36 mjeseci.

Član 10..

Doživotna zabrana obavljanja službene dužnosti izriče se zbog prekršaja:

- Učinjenog u posebno teškim uslovima
- Kada je izvršitelj bio posebno bezobrazan
- Kada je izvršitelj svojom upornošću i vladanjem izazivao teške posljedice
- Kada izvršitelj ponavlja svoje prekršaje



III. ODMJERAVANJE I IZRICANJE KAZNI

Član 11.

Pri odmjeravanju kazne uzimaju se u obzir sve okolnosti koje utiču na visinu kazne.

Od posebnog značaja su slijedeće okolnosti:

- Težina prekršaja
- Vrsta prekršaja
- Posljedica prekršaja
- Step en odgovornosti
- Okolnosti koje su uticale na prekršaj
- Izvršiteljevo vladanje tokom prekršaja i nakon prekršaja

Član 12.

Disciplinsko tijelo može kada postoje osobito olakšavajuće okolnosti izreći kaznu ispod granica određenih ovim Pravilnikom.

Ako je prekršaj učinjen na posebno bezobrazan način, ako su njime nanešene teške posljedice nekom članu ili ako je njime bitno narušen ugled URS-a izvršitelju se može izreći doživotna zabrana obavljanja službene dužnosti u rukometu sa isključenjem iz Udruženja i podnošenjem zahtjeva prema Savezu za trajnom zabranom obavljanja rukometnog sporta u BiH i inostranstvu.

Član 13.

Izvršitelju se kao olakšavajuće okolnosti može uzeti u obzir:

- Aktivni staž u Zboru sudija
- Vladanje prije i nakon prekršaja
- Odnos prema učinjenom prekršaju
- Ugled u Udruženju
- Priznanja člana Udruženja.

Član 14.

Izvršitelju se kao otežavajuća okolnost može uzeti u obzir:

- Posljedice nastale prekršajem
- Ponavljanje prekršaja
- Alkohol i druge ne dozvoljene supstance

Smatra se da je izvršitelj u ponavljanju prekršaja iz navedenog člana, ako je izdržao neku kaznu, a od datuma izdržane kazne nije proteklo 14 mjeseci.

Član 15.

Ako se u provedbi disciplinskog postupka treba pokrenuti jedan ili više postupaka, tada mjerodavno disciplinsko tijelo mora sve postupke sjediniti i voditi jedinstveni postupak.

U slučajevima predviđenim u stavu 1. ovog člana prilikom izricanja kazne za svaki prekršaj mora se odrediti kazna, a potom se donosi odluka o jedinstvenoj kazni.



Ako je za bilo koji disciplinski prekršaj utvrđena kazna doživotne zabrane obavljanja službene dužnosti u rukometu, tada se obavezno izriče samo ta kazna.

Ako je za bilo koji disciplinski prekršaj utvrđena kazna vremenske zabrane obavljanja službene dužnosti u rukometu, tada se obavezno izriče vremenska kazna zabrane obavljanja službene dužnosti u rukometu.

IV. ZASTARJELOST POSTUPKA

Član 16.

Disciplinski postupak zastarjeva u roku od 12 mjeseci od dana izvršenja prekršaja ili u roku od 6 mjeseci od dana kada je disciplinska komisija saznala za prekršaj i pokrenula postupak protiv izvršioca i sudionika.

Ako disciplinsko tijelo ne može završiti postupka u roku iz stava 1. ovog člana Upravni Odbor URS-a ima pravo produžiti rok, na zahtjev Disciplinske komisije, za rok najviše 3 mjeseca.

Član 17.

Disciplinsko tijelo mora provoditi istražne radnje tako da disciplinski postupak ne zastari.

V. PREKRŠAJI

Član 18.

Član koji je u ulozi službene osobe ili gledaoca na bilo kojoj utakmici se nesportski vladao prema drugom članu tokom igre ili nakon nje, na igralištu ili izvan njega, kažnjava se opomenom ili vremenskom kaznom zabrane obavljanje službene dužnosti u rukometu u trajanju od 3 do 6 mjeseci.

Ako je radnja prekršaja iz stava 1 ovog člana izvršena u povratu, izvršitelju će se izreći vremenska kazna zabrane obavljanja službene dužnosti u rukometu u trajanju od 9 do 18 mjeseci.

Izvršitelj će se kazniti i za pokušaj.

Član 19.

Član koji je u ulozi službene osobe ili gledaoca na bilo kojoj utakmici napao ili pokušao napasti drugog člana tokom igre ili nakon nje na igralištu ili izvan njega, kažnjava se vremenskom kaznom zabrane obavljanje službene dužnosti u rukometu u trajanju od 16 do 36 mjeseci.

Ako je radnja prekršaja iz stava 1 ovog člana izvršena u povratu, izvršitelju će se izreći vremenska kazna zabrane obavljanja službene dužnosti u rukometu u trajanju od 24 do 36 mjeseci.



Izvršitelj će se kazniti i za pokušaj.

Član 20.

Član koji je u ulozi gledaoca na bilo kojoj utakmici tako vladao i ponašao se da je utakmica privremeno prekinuta jednom ili više puta, kažnjava se vremenskom kaznom zabrane obavljanje službene dužnosti u rukometu u trajanju od 9 do 18 mjeseci.

Ako je radnja prekršaja iz stava 1 ovog člana izvršena u povratu, izvršitelju će se izreći vremenska kazna zabrane obavljanja službene dužnosti u rukometu u trajanju od 12 do 36 mjeseci.

Izvršitelj će se kazniti i za pokušaj.

Član 21.

Član koji je u ulozi gledaoca na bilo kojoj utakmici tako vladao i ponašao da se utakmica trajno prekinula, kažnjava se vremenskom kaznom zabrane obavljanje službene dužnosti u rukometu u trajanju od 16 do 26 mjeseci.

Ako je radnja prekršaja iz stava 1 ovog člana izvršena u povratu, izvršitelju će se izreći vremenska kazna zabrane obavljanja službene dužnosti u rukometu u trajanju od 16 do 30 mjeseci.

Izvršitelj će se kazniti i za pokušaj.

Član 22.

Član koji je u ulozi službene osobe na bilo kojoj utakmici tako vladao i ponašao da je zbog njegovog ne znanja propisa o takmičenju i ostalih propisa vezanih za takmičarsku godinu, utakmica privremeno ili trajno prekinuta, kažnjava se vremenskom kaznom zabrane obavljanje službene dužnosti u rukometu u trajanju od 13 do 18 mjeseci.

Ako je radnja prekršaja iz stava 1 ovog člana izvršena u povratu, izvršitelju će se izreći vremenska kazna zabrane obavljanja službene dužnosti u rukometu u trajanju od 18 do 22 mjeseci.

Izvršitelj će se kazniti i za pokušaj.

Član 23.

Član koji je u ulozi službene osobe na bilo kojoj utakmici nije došao u određeno vrijeme ili je zakasnio iz neopravdanih razloga kažnjava se vremenskom kaznom zabrane obavljanje službene dužnosti u rukometu u trajanju od 3 do 12 mjeseci.

Ako je radnja prekršaja iz stava 1 ovog člana izvršena u povratu, izvršitelju će se izreći vremenska kazna zabrane obavljanja službene dužnosti u rukometu u trajanju od 12 do 18 mjeseci.

Izvršitelj će se kazniti i za pokušaj.

Član 24.

Član koji je u ulozi službene osobe na bilo kojoj utakmici tako vladao i ponašao i da nije želio nastaviti obavljanje službene dužnosti za koju je nominovan, kažnjava se vremenskom kaznom zabrane obavljanje službene dužnosti u rukometu u trajanju od 18 do 26 mjeseci.

Ako je radnja prekršaja iz stava 1 ovog člana izvršena u povratu, izvršitelju će se izreći vremenska kazna zabrane obavljanja službene dužnosti u rukometu u trajanju od 26 do 36 mjeseci.

Izvršitelj će se kazniti i za pokušaj.



Član 25.

Član koji je na bilo kojoj utakmici obavljao dužnost za koju nije određen, i sa kojom nije upoznat matični Zbor ili Udruženje, kažnjava se vremenskom kaznom zabrane obavljanje službene dužnosti u rukometu u trajanju od 1 do 6 mjeseci.

Ako je radnja prekršaja iz stava 1 ovog člana izvršena u povratu, izvršitelju će se izreći vremenska kazna zabrane obavljanja službene dužnosti u rukometu u trajanju od 6 do 8 mjeseci.

Izvršitelj će se kazniti i za pokušaj

Član 26.

Član koji se oglasio na Odluke svih tijela Udruženja, a koje su donešene i objavljene na zvaničnoj web stranici udruženja, kažnjava se vremenskom kaznom zabrane obavljanje službene dužnosti u rukometu u trajanju od 3 do 9 mjeseci.

Ako je radnja prekršaja iz stava 1 ovog člana izvršena u povratu, izvršitelju će se izreći vremenska kazna zabrane obavljanja službene dužnosti u rukometu u trajanju od 9 do 18 mjeseci.

Izvršitelj će se kazniti i za pokušaj

Član 27.

Član koji putem zvaničnih kanala i socijalnih mreža na bilo koji način omalovažava, vrijeđa i diskutuje u komentarima koji narušavaju ugled Udruženja, kažnjava se vremenskom kaznom zabrane obavljanje službene dužnosti u rukometu u trajanju od 3 do 9 mjeseci.

Ako je radnja prekršaja iz stava 1 ovog člana izvršena u povratu, izvršitelju će se izreći vremenska kazna zabrane obavljanja službene dužnosti u rukometu u trajanju od 9 do 20 mjeseci.

Izvršitelj će se kazniti i za pokušaj

Član 28.

Član koji u ulozi službene osobe na bilo kojoj utakmici u BiH i inostranstvu nastupi, a izdržava neku kaznu, kažnjava se vremenskom kaznom zabrane obavljanje službene dužnosti u rukometu u trajanju od 6 do 9 mjeseci.

Ako je radnja prekršaja iz stava 1 ovog člana izvršena u povratu, izvršitelju će se izreći vremenska kazna zabrane obavljanja službene dužnosti u rukometu u trajanju od 12 do 18 mjeseci.

Izvršitelj će se kazniti i za pokušaj.

Član 29.

Član koji u ulozi službene osobe na bilo kojoj utakmici u BiH i inostranstvu primi ili pokuša primiti novac ili neko drugo materijalno dobro kao mito i/ili pokuša dogovoriti konačan ishod utakmice, kažnjava se trajnim isključenjem iz Udruženja. Također o navedenom članu će biti obavješteni i matični Savez i međunarodni savez EHF i IHF.

Izvršitelj će se kazniti i za pokušaj.

Član 30.

Član koji uvrijedi ili pokuša uvrijediti drugog člana Udruženja, kažnjava se vremenskom kaznom zabrane obavljanje službene dužnosti u rukometu u trajanju od 6 do 9 mjeseci.



Ako je radnja prekršaja iz stava 1 ovog člana izvršena u povratu, izvršitelju će se izreći vremenska kazna zabrane obavljanja službene dužnosti u rukometu u trajanju od 9 do 26 mjeseci.

Izvršitelj će se kazniti i za pokušaj

Član 31.

Član koji u vezi s utakmicom, na kojoj je pristuan kao gledalac, a na zahtjev tijela URS-a ne kaže istinu, kažnjava se vremenskom kaznom zabrane obavljanje službene dužnosti u rukometu u trajanju od 6 do 9 mjeseci.

Ako je radnja prekršaja iz stava 1 ovog člana izvršena u povratu, izvršitelju će se izreći vremenska kazna zabrane obavljanja službene dužnosti u rukometu u trajanju od 9 do 26 mjeseci.

Član 32.

Član koji pokuša ili je krivotvorio dokumenta ili odluke URS-a, ili koji predoči mjerodavnom tijelu neistinite podatke od matičnog Zbora ili drugog organa, kažnjava se vremenskom kaznom zabrane obavljanje službene dužnosti u rukometu u trajanju od 6 do 12 mjeseci.

Ako je radnja prekršaja iz stava 1 ovog člana izvršena u povratu, izvršitelju će se izreći vremenska kazna zabrane obavljanja službene dužnosti u rukometu u trajanju od 12 do 36 mjeseci.

Izvršitelj će se kazniti i za pokušaj

Član 33.

Član koji mjerodavnom tijelu odugovlači sa dostavljanjem traženih podataka, i/ili iste svojim postupcima otežava da dođu po potrebnih materijala, kažnjava se vremenskom kaznom zabrane obavljanje službene dužnosti u rukometu u trajanju od 18 do 29 mjeseci.

Ako je radnja prekršaja iz stava 1 ovog člana izvršena u povratu, izvršitelju će se izreći vremenska kazna zabrane obavljanja službene dužnosti u rukometu u trajanju od 29 do 36 mjeseci.

Izvršitelj će se kazniti i za pokušaj

Član 34.

Svaki član koji sudjelujući u radu bilo kojeg tijela Udruženja i rukometne organizacije za koju ga je nominavalo Udruženje iznosi neistinite podatke ili radi suprotno donešenim zaključcima mjerodavnog tijela ili zvaničnika, kažnjava se vremenskom kaznom zabrane obavljanje službene dužnosti u rukometu u trajanju od 6 do 9 mjeseci.

Ako je radnja prekršaja iz stava 1 ovog člana izvršena u povratu, izvršitelju će se izreći vremenska kazna zabrane obavljanja službene dužnosti u rukometu u trajanju od 9 do 36 mjeseci.

Izvršitelj će se kazniti i za pokušaj

Član 35.

Bilo koji član ili zvaničnik Udruženja ili matičnog zbora iza ili pokuša izdati službeni dokument u svoje ime ili u ime Udruženja i/ili Zbora a da za to prethodno nije ovlašten ili je to učinio u suprotnosti sa Statutom Udruženja, kažnjava se vremenskom kaznom zabrane obavljanje službene dužnosti u rukometu u trajanju od 8 do 12 mjeseci.



Ako je radnja prekršaja iz stava 1 ovog člana izvršena u povratu, izvršitelju će se izreći vremenska kazna zabrane obavljanja službene dužnosti u rukometu u trajanju od 12 do 24 mjeseci.

Izvršitelj će se kazniti i za pokušaj

Član 36.

Član koji u ulozi službene osobe na bilo kojoj utakmici ne pošalje ili zakasni poslati mjerodavnom tijelu ili pojedincu sve potrebne izvještaje u vezi sa utakmicom, kažnjava se vremenskom kaznom zabrane obavljanje službene dužnosti u rukometu u trajanju od 2 do 9 mjeseci.

Ako je radnja prekršaja iz stava 1 ovog člana izvršena u povratu, izvršitelju će se izreći vremenska kazna zabrane obavljanja službene dužnosti u rukometu u trajanju od 9 do 12 mjeseci.

Izvršitelj će se kazniti i za pokušaj

Član 37.

Član koji u ulozi službene osobe naplati i/ili pokuša da naplati troškove veće od stvarnih troškova, kažnjava ,kažnjava se vremenskom kaznom zabrane obavljanje službene dužnosti u rukometu u trajanju od 3 do 9 mjeseci.

Ako je radnja prekršaja iz stava 1 ovog člana izvršena u povratu, izvršitelju će se izreći vremenska kazna zabrane obavljanja službene dužnosti u rukometu u trajanju od 9 do 26 mjeseci.

Izvršitelj će se kazniti i za pokušaj.

Izvršitelj iz stava 1 i 2 ovog člana mora u toku od 5 radnih dana, računajući od dana primanja novčane nakande, vratiti na ime i po dogovoru sa isplatiteljem razliku između stvarnih i naplaćenih troškova. Ako Izvršitelj ne vrati navednu razliku to će izvršiti Udruženje u njegovo ime.

Ako novac koji je primio izvršitelj ne vrati a to uradi udruženje prema stavu 4 ovog člana, u tom slučaju član se isključuje iz Udruženja, jer je isti narušio ugled udruženja.

Član 38.

Član koji svoje obaveze u određenom roku a po odluci upravnog odbora ne izmiri na račun Udruženja i/ili Zboru, kažnjava se vremenskom kaznom zabrane obavljanje službene dužnosti u rukometu u trajanju od 1 do 6 kola i/ili 1 do 6 mjeseci.

Ako je radnja prekršaja iz stava 1 ovog člana izvršena u povratu, izvršitelju će se izreći vremenska kazna zabrane obavljanja službene dužnosti u rukometu u trajanju od 6 do 8 mjeseci.

Izvršitelj će se kazniti i za pokušaj.

Ako novčana obaveza ne bude podmirena u roku iz prethodnog stava disciplinsko tijelo prilikom izricanja kazne je dužno primjeniti odredbe ovog člana. Odredbe ovog člana mogu se primjeniti i na takmičenje u BiH i na međunarodna takmičenja uz prethodno obavještenje kancelarije Rukometnog saveza BiH.

Član 39.

Član koji na zahtjev Udruženja na vrijeme koje je dostavljeno u odluci ne pošalje podatke za rad i djelovanje udruženja, kažnjava se vremenskom kaznom zabrane obavljanje službene dužnosti u rukometu u trajanju od 3 do 9 mjeseci.



Ako je radnja prekršaja iz stava 1 ovog člana izvršena u povratu, izvršitelju će se izreći vremenska kazna zabrane obavljanja službene dužnosti u rukometu u trajanju od 9 do 22 mjeseci.

Izvršitelj će se kazniti i za pokušaj

VI. DISCIPLINSKA TIJELA

Član 40.

Prvostepeni disciplinski postupak provodi i kazne izriče Disciplinska komisija URS-a. Drugostepeni postupak po ozjavljenoj žalbi na odluke Disciplinske komisije vodi Upravni odbor URS-a.

Odluka drugostepenog organa URS-a je konačna.

O zahtjevu za vandredno ublažavanje kazne odlučuje Nadzorni odbor URS-a.

Za drugostepenu žalbu potrebno je izvršiti novčanu uplatu u iznosu i na način propisan Odlukom Upravnog odbora URS-a.

Član 41.

Disciplinsku komisiju URS-a (predsjednika i dva člana) imenuje i razješava Upravni odbor URS-a.

Član 42.

Disciplinska komisija je dužna uredno voditi arhivu u saradnji sa sekretarom Udruženja o ukupnom radu i djelovanju, kao i o svim donijetim odlukama. Predsjednik komisije dužan je je po konačnosti i izvršnosti odluke istu potpisano od svih članova dostaviti sekretaru Udruženja koji je istu dužan proslijediti Upravnom odboru.

VII. POKRETANJE I TOK POSTUPKA

Član 43.

Disciplinski postupak mora biti brz i efikasan.

Disciplinsko tijelo pokreće postupak na osnovu pisanog zahtjeva za pokretanje disciplinskog postupka podnietog od odgovorne osobe sa utakmice, svakog člana Udruženja, svakog oštećenog člana Udruženja ili člana Udruženja koji je obavljaju službenu dužnost na utakmici.

Svaki zahtjev se dostavlja prvostepenom disciplinskom organu pisanim putem ili na email disciplinska.komisija@ursbih.ba koji će biti evidentiran, zaprimljen i zaveden pod brojem.

Član 44.

Predsjednik disciplinske komisije nakon prijema zahtjeva odlučuje Zaključkom pokretanju disciplinskog postupka.



Član 45.

Disciplinska komisija ima obavezu saslušati sve učesnike i ostale članove Udruženja po potrebi, kao i druge svjedoke rado što bržeg i efikasnog odlučivanja i završetka postupka.

Disciplinska komisija može zatražiti pisanim putem izvođenje određenih dokaza od matičnog Zbora kojem pripada član, i drugih članova Zbora.

Disciplinska komisija može ukoliko raspolaže sa dovoljno dokaza na osnovu pismenih izjava podnosioca zahtjeva za pokretanje postupka, prijavljenoga, svjedoka i ostalih lica donijeti odgovarajuću odluku.

Član 46.

Ako se izvršitelj ne odazove saslušanju ili ne pošalje pismenu izjavu, a uredno je pozvan da to učini, Disciplinska komisija, ako raspolaže sa dovoljno dokaza na osnovu stanja u spisama predmeta, donijet će odluku na osnovu priloženih i raspoloživih u tom trenutku dokaza.

Član 47.

Ako su vođenjem disciplinskog postupka prouzrokovani novčani troškovi, disciplinsko tijelo će odrediti i predložiti Upravnom odboru visinu troškova disciplinskog postupka u posebnoj formi odluke i navesti lice/a koja su dužna izvršiti uplatu na račun udruženja i odrediti rok za uplatu.

VIII. MJERA SUSPENZIJE

Član 48.

Disciplinska komisija URS-a ima pravo izreći suspenziju protiv lica protiv kojeg je pokrenut disciplinski postupak.

Vrijeme provedeno pod suspenzijom uračunava se u eventualnu preinačenu kaznu.

Izvršitelja o eventualnoj mjeri suspenzije izvještaja Sekretar udruženja putem web stranice i putem e-mail, a na osnovu prethodno dostavljene potpisane odluke od strane Disciplinske komisije.

Član 49.

Ako je vrijeme provedeno pod suspenzijom duže od izrečene kazne ili je pak prijavljeni odlobođen od odgovornosti, a bio suspendovan, ima pravo tražiti odgovorst Disciplinske komisije. Odgovor može podnijeti pisanim putem drugostepenom organu u ovom slučaju Upravnom odboru sa relevantnim dokazima gdje je oštećeni bespravno oštećen.



IX. ODLUKE DISCIPLINSKE KOMISIJE

Član 50.

Odluke nakon provedenog postupka donosi Disciplinska komisija URS-a. Disciplinska komisija odluke po podnijetim zahtjevima za pokretanje postupka donosi u nejavnoj sjednici.

Član 51.

Odluka po podnijetom zahtjevu za pokretanje postupka disciplinske odgovornosti se izdaje u pisanom obliku i preporučenom poštom ili putem emaila dostavlja prijavljenom, podnosiocu zahtjeva, a po konačnosti i izvršenosti dostavlja se sekretaru na ovjeru i dostavljanje Upravnom odboru URS-a.

Član 52.

Odluka sadži naziv i sastav disciplinskog tijela, broj, datum i mjesto donošenja Odluke, ovlaštenje za postupanje, dokaze prikupljenje tokom postupka, te olakšavajuće i/ili otežavajuće okolnosti za donošenje Odluke.

Član 53.

Za sve odluke obavezna je dostava putem email i/ili web stranice prijavljenim licima i podnosiocima zahtjeva za pokretanje postupka.

X. ŽALBA

Član 54.

Protiv Odluke Disciplinske komisije može se izjaviti žalba u roku od 8 dana od dana objavljivanja odluke na web stranici udruženja ili dostavljanja na email.

Žalba protiv odluke Disciplinske komisije ne zadržava njeno izvršenje

Žalba se izjavljuje drugostepenom organu preko prvostepenog organa.

Sjednice drugostepenog organa saziva predsjednik UO URS-a

UO URS-a dužan je riješiti žalbu u roku od 30 dana od dana prijema žalbe drugostepenom organu.

Član 55.

Upravni odbor prije odlučivanja o žalbi dužan je cijeliti je li žalba dopuštena, blagovremena i izjavljena od ovlaštene osobe.

Ako žalbu ne odbaci drugostepeni organ uzima predmet u rješavanje, te u drugom stepenu može žalbu odbiti, usvojiti i predmet vratiti prvostepenom organu na ponovni postupak i odlučivanje, usvojiti i odluku prvostepenog organa preinačiti.



Član 56.

Odluka drugostepenog organa je konačna i izvršna.

XI. VANDREDNI PRAVNI POSTUPAK

Član 57.

Na odluku Upravnog odbora URS-a nezadovoljna strana od dana primanja odluke u roku od 30 dana može podnijeti vandredni pravni postupak – zahtjev za vandredno preispitivanje pravnosnažnosti odluke, Nadzornom odboru Udruženja.

Član 58.

Kažnjeni ima pravo podnijeti zahtjev za vandredno ublažavanje kazne Nadzornom odboru Udruženja po isteku $\frac{1}{2}$ (jedne polovine) kazne najkasnije 10 dana prije isteka $\frac{1}{2}$ kazne u pisanom obliku.

O zahtjevu za vandredno odlučivanje ublažavanja kazne odlučuje Nadzorni odbor.

Nadzorni odbor zahtjev može usvojiti i ublažiti izrečenu kaznu ili odbiti zahtjev.

XII. ZAVRŠNE ODREDBE

Član 59.

Odredbe ovog pravilnika tumači Nadzorni odbor.

Izrazi koji su radi preglednosti dati u jednom gramatickom rodu, bez diskriminacije se odnose na muskarce i zene-

Izmjene i dopune ovog Pravilnika vrše se na način i u postupku propisanom za njegovo donošenje.

Član 60.

Disciplinski pravilnik stupa na snagu danom donošenja

U Sarajevu 18.02.2021. godine

Predsjednik Upravnog odbora

Samir Suljević

